

5º CURSO EDUCACION PRIMARIA – LINGUA GALEGA

CEIP PLURILINGUE STA. EULALIA – DUMBRIA

REPASAMOS:

O modo indicativo dos verbos regulares que atoparedes nos anexos do libro de texto.

TAREFAS:

- Dúas fichas para repasar e reforzar **vocabulario**. Podedes empregar o dicionario. Sabedes que é un bo recurso o dicionario online da RAG: <https://academia.gal/dicionario>
- Unha ficha de **COMPRENSIÓN LECTORA**.
- Dúas fichas de **SUBSTANTIVOS**:
- Unha ficha de traballo co **dicionario**.
- Lembramos as palabras que se escriben con B ou con V. Copiamos na libreta os dous **recadros** e facemos na libreta os **exercicios 1-2-3 e copiamos o ditado**, sen faltas e con boa letra.
- **DITADOS**: lede os textos dos ditados e despois que alguén da casa escolla e vos dite un dos do **B** e outro dos do **V**.

Vocabulario temático

Nome _____ Data _____

As viaxes

1. Escribe outras palabras relacionadas coas viaxes.

Substantivos	Adxectivos	Verbos
porto	afastado	navegar
aeroporto	calmo	voar
océano	salvaxe	fotografar
traxecto	bravo	descubrir
paisaxe	esgotadora	aterrar

2. Marca. Que significa a expresión *estar nas quimbambas*?

- Estar algo ou alguén nun sitio moi preto.
 - Ser unha persoa moi nerviosa.
 - Estar algo nun sitio moi lonxe e descoñecido.
- Agora, escribe unha oración en que inclúas esta expresión.

3. Le e explica o significado da palabra *ronsel* en cada oración.

- O barco deixaba un *ronsel* na superficie do mar.

- Era moi sociable, deixou un *ronsel* de amizades na vila.

4. Completa estas frases coas palabras do recadro.

camiñar	encamiñar	camiñante	camiño	camiñada
---------	-----------	-----------	--------	----------

- O _____ que vai deica a súa casa está cheo de fochancas.
- Esta fin de semana fomos dar unha _____ pola beira do río.
- O _____ chegou ao seu destino antes do previsto.
- El sempre vai _____ deica a escola.
- Desde agora os seus esforzos vanse _____ a gañar esa proba.

Vocabulario temático

Nome _____ Data _____

Os seres vivos

1. Completa a táboa con palabras relacionadas cos seres vivos.

Substantivos	Adxectivos	Verbos
planta	vivo	agromar
peixe	inerte	evolucionar
natureza	terrestre	sementar
árbores	acuático	alimentar
bioloxía	subterráneo	medrar

2. Observa os debuxos e escribe unha oración con cada un dos significados da palabra *rato*.



• _____

• _____



3. Escribe dúas oracións en que *rapaz* apareza como dúas palabras diferentes.

rapaz. s. m. Persoa nova, que xa non
é un neno pero que aínda non
é un adulto.

rapaz. adv. e s. f. Ave que se alimenta
de carne, coma a aguia e o falcón.

4. Le e marca. Que significa a expresión *poñerse coma un pito*?

- Enfadarse moito.
 - Mollarase moito.
 - Facer moito ruído.
- Escribe unha oración en que a utilices.

Comprensión lectora

Nome _____

Data _____

Marte, a próxima fronteira

Un dos obxectivos da carreira espacial é o planeta Marte, que é considerado a próxima fronteira da humanidade, xa que podería tratarse do seguinte lugar ao que se envíe unha misión tripulada. Marte, o cuarto planeta do Sistema Solar, é coñecido como o «planeta vermello» pola súa cor.

A atmosfera do planeta Marte é irrespirable: está formada principalmente por dióxido de carbono, que dá lugar a capas de xeo nos polos. O planeta encóntrase sometido a ventos fortes e tempestades de po e area que erosionan a superficie. Aínda que en Marte hai auga, só se encontra en pequenas cantidades en forma de xeo e de vapor, polo que non se forman ríos nin mares na superficie do planeta. Con todo, Marte tivo no pasado unha atmosfera diferente.

As antigas precipitacións deixaron na súa superficie canles e barrancos que indican a existencia de ríos. Na actualidade, o aspecto de Marte corresponde co dun vasto deserto de cor encarnada.

Marte ten dous satélites ou lúas, Fobos e Deimos. Son pequenos –teñen 27 e 15 quilómetros de diámetro, respectivamente– e xiran rapidamente preto do planeta. Fobos rodea Marte en só sete horas e media e, curiosamente, faino en dirección contraria ao resto dos satélites e planetas do Sistema Solar. Deimos tarda 35 horas en percorrer a súa órbita.

Na actualidade, dous robots exploran a superficie de Marte: *Spirit* e *Opportunity*. Cada un destes robots é dirixido por catro condutores que establecen un plan de traballo cada noite e envían as indicacións ao seu ordenador. Dado que funcionan coa enerxía solar que captan, dispoñen de catro ou cinco horas todos os días para cumplir o plan enviado desde a Terra e devolver os resultados. A observación sobre o chan marciano complétase coa tarefa das naves orbitais *Mars Express*, *Mars Global Surveyor* e *Mars Odyssey*, que xiran arredor do planeta e obtienen imaxes deste.

1. Explica o significado das seguintes palabras do texto con axuda dun dicionario.

- erosionan: _____
- vasto: _____
- órbita: _____

2. Explica de que trata o texto.

Análise morfolóxica

Nome _____

Data _____

1. Sigue o exemplo e analiza estes substantivos.

Exemplo:

cabalo ► Clase: substantivo común, concreto, individual.
 Xénero: masculino.
 Número: singular.

amizade ► Clase: _____
 Xénero: _____
 Número: _____

cadernos ► Clase: _____
 Xénero: _____
 Número: _____

Ourense ► Clase: _____
 Xénero: _____
 Número: _____

orquestra ► Clase: _____
 Xénero: _____
 Número: _____

culleres ► Clase: _____
 Xénero: _____
 Número: _____

colmea ► Clase: _____
 Xénero: _____
 Número: _____

cadeira ► Clase: _____
 Xénero: _____
 Número: _____

Antía ► Clase: _____
 Xénero: _____
 Número: _____

Análise morfolóxica

Nome _____

Data _____

1. Subliña todos os substantivos nas seguintes oracións.

- O can comeu toda a comida do prato.
 - O meu avó traballou de carpinteiro e a avoa, de mestra.
 - Hoxe Afonso tiña moito sono.
 - O rabaño do pastor perdeuse polo monte.
 - Aquel premio encheuno de felicidade.
 - Aínda non lle dei as grazas pola súa axuda.
 - O mariñeiro deu cun abundante banco de bocartes.
 - Desde hai moitos anos toda a familia vive en Xinzo.

2. Analiza os substantivos que subliñaches.

Traballo co dicionario

Nome _____ Data _____

1. Escribe xunto a cada palabra a forma con que aparece no dicionario.

Exemplo: farois ► farol

- | | | | |
|------------|---------|------------|---------|
| • luriña | ► _____ | • feixóns | ► _____ |
| • selos | ► _____ | • padiolas | ► _____ |
| • tecelá | ► _____ | • riacho | ► _____ |
| • táctiles | ► _____ | • candís | ► _____ |
| • caloraza | ► _____ | • patroa | ► _____ |
| • orelludo | ► _____ | • cabalón | ► _____ |

2. Escribe a forma pola que deberás buscar cada un destes verbos no dicionario.

Como se chama esta forma? _____

- refaga ► _____
- dás ► _____
- souberon ► _____
- doían ► _____
- proviñan ► _____
- contivo ► _____
- desfai ► _____

3. Busca no dicionario as expresións destacadas e substitúeas sen alterar o significado da oración.

Exemplo: *Leu o libro de cabo a rabo.* ► *Leu o libro desde o principio ata o fin.*

- Entrou na casa con pé de la.

- Chegou ao pechar o día.

- Mariña ten carta branca para fixar o día do exame.

- Aleixo gaña cartos a mancheas.

- A el sempre lle gustou facer as cousas ás toas.

- Sorprendeume o que dixo, non ten papas na boca.

As palabras con b

ORTOGRAFÍA

Escríbense con b:

1. As palabras que comenzañ por **bu-**, **bur-** e **bus-**: buguina, burla, buscar... Excepto: *vurullo*.
2. As terminacións do **copréterito** de indicativo dos verbos da 1.ª conjugación: *falaba, camiñabamos...*
3. Os infinitivos dos verbos rematados en **-bir** e **-buir**: *escribir, concibir, contribuir, distribuir...* Excepto: *vir, servir, vivir* e os seus derivados (*servente, vida...*).
4. Os prefixos:
sub-: *submarino, subdirector...*;
ab-: *absurdo, absorber...*;
bis-/bi-: *bisneto, bianual...*
5. Os sufixos:
-bilidade: *amabilidade, habilidade...*;
-bundo/-bunda: *vagabundo, moribunda*.
6. As palabras con **br** e **bl**: *brando, publicidade...* Excepto: *acivro*.
7. As seguintes palabras:

abelá	bafo	automóbil	baleiro	beira
billa	bubela	marabilla	rebentar	móbil

1 Completa coas palabras que corresponden ás imaxes da dereita:

- Ao meu gato encántalle xogar cun ... de la.
- O verme converteuse nunha fermosa
- Por moito que toques a ... non vai desaparecer o atasco.
- O meu teléfono ... deixou de funcionar.
- Os ... non rinchán, senón que ornean.
- Por aquí non podemos ir; hai un sinal de ... o paso.
- Encántanme as ... e as améndoas.

2 Indica o número de regra que seguen estas palabras con b:

burbulla	<input type="checkbox"/>	amable	<input type="checkbox"/>	abeleira	<input type="checkbox"/>
cantaba	<input type="checkbox"/>	bisavó	<input type="checkbox"/>	brétema	<input type="checkbox"/>
recibir	<input type="checkbox"/>	abdomen	<input type="checkbox"/>	soñaban	<input type="checkbox"/>
subacuático	<input type="checkbox"/>	bufanda	<input type="checkbox"/>	visibilidade	<input type="checkbox"/>



As palabras con v

1. Os adjetivos rematados en **-avo/-ava, -ave; -evo/-eva, -eve; -ivo/-iva; -ovo/-ova**: *bravo, suave, lonxevo, leve, altaiva, novo...*
2. As palabras que comenzañ por **ad-** (advertir) e **sub-** (subvención).
3. Os verbos rematados en **-servar** e a maioría dos rematados en **-ver**: *observar, mover, volver...*
- Excepto: *beber, caber, deber, haber, saber, sorber*.
4. As formas dos verbos **estar** e **ter**: *estiven, tivera...*
5. As seguintes palabras e as súas derivadas:

avó	avogado	covarde	escaravello	escarvar
esvarar	esvelto	garavanzo	gravar	gravata
trevo	varanda	varrer	vasoira	vermello
verniz	verzas	voda	voitre	vulto

3 Completa con algunas das palabras da lista anterior:

- Vicente: que che pasa hoxe? Andas nas ...!
- Hai que ... debaixo da mesa, que está todo cheo de migas.
- Cando casou a tía Menchu, cantara un coro na

OBRADOIRO ORTOGRÁFICO

Ditado

1 Le o texto antes de facer o ditado:

Branca e Bea viven na vila de Boimorto e son irmás. Lévanse de marabilla, entre elas e co seu avó. O avó Cristovo sempre lles contaba fermosas historias cando eran cativas: historias de aves que viñan doutros continentes, de bruxas que voaban en vasoira...

Despois do ditado

2 Intercambia o teu ditado co do teu compaño ou compaño e corríxeo, tendo en conta os seguintes aspectos:

CALIGRAFÍA



LIMPEZA



ERROS



Ditados

Uso de b

A buxaina

O outro día, cando subín ao faiado, atopei nun baúl unha buxaina. Seica fora de meu pai, pero el non lembraba onde estaba. Contoume que de pequeno xogaba moito con ela e tiña grande habilidade en facela bailar. Agora estame a ensinar a min a facelo. Hai que suxeitar ben o cordel á cabeza do aparello, enroscaloo na parte baixa e botala ao chan. É posible que lle colla o truco ao trebello, pero por agora... a pobre buxaina máis ca bailar recibe golpes a eito!

As ideas de Brais

De todos os labores que debe fazer na casa, o que menos lle gusta a Brais é o de ordenar o cuarto. O outro día, cando debía estar a facer ese traballo, a nai atopouno sentado enriba da cama absolutamente absorto. Imaxinaba que nun futuro el habría de elaborar un robot especializado en facer camas. Estaba seguro de que sería unha importante contribución á humanidade. E quen sabe, ao mellor algúñ díá fabrica un, porque Brais é moi obstinado!

Uso de v

Novas actividades

A asociación de veciños estivo reunida este venres para establecer as actividades que se desenvolverán na vila nos vindeiros meses. Consérvanse algunas das realizadas o ano pasado e haberá dúas novidades atractivas: un curso de gravado e unha excursión á fervenza do Toxa. A directiva prevé que estas actividades serán recibidas con interese.

Vida nocturna no bosque

Nos bosques, os animais nocturnos relevan aos que vemos polo día. Aproveitan para movérense e alimentárense. Estes seres vivos posúen sentidos desenvolvidos que lles permiten compensar a falta de luz. Nunha noite no bosque habemos observar misteriosos vultos fuxitivos que atravesan vereas, que se poustan en valos ou van veloces de árbore en árbore. E tamén oiremos ouveos, renxidos de varas e ramas... que o invaden todo.

